



PERBADANAN KEMAJUAN FILEM NASIONAL MALAYSIA

KENYATAAN MEDIA

KEPUTUSAN MESYUARAT AHLI PERBADANAN FINAS BIL. 2/2021

Petaling Jaya, 18 Februari 2021 – Perbadanan Kemajuan Filem Nasional Malaysia (FINAS) ingin memaklumkan akan keputusan-keputusan penting yang diambil melalui Mesyuarat Ahli Perbadanan FINAS Bil. 2/2021 yang telah dipengerusikan oleh YBr. Tuan Zakaria Abdul Hamid, Pengerusi FINAS. Keputusan-keputusan adalah seperti berikut:

- I. FINAS menyambut baik dan menyokong pelaksanaan Pakej Rangsangan Industri Kreatif Malaysia (PRISMA) oleh Kementerian Komunikasi dan Multimedia Malaysia (KKMM) yang bertujuan memastikan kelangsungan dan kelestarian para penggiat industri kreatif negara dalam mendepani impak pandemik COVID-19 melalui penyediaan peruntukan sebanyak RM89.2 juta merangkumi empat (4) kategori pelaksanaan dan 32 program. FINAS amat berharap agar semua penggiat industri kreatif dapat mengambil peluang yang disediakan di bawah PRISMA bagi menerima manfaat ke arah kemajuan industri kreatif tempatan.

- II. FINAS mengingatkan kepada semua penggiat industri kreatif agar mematuhi segala Prosedur Operasi Standard (SOP) berkaitan aktiviti penggambaran yang telah digariskan oleh Majlis Keselamatan Negara (MKN) berikutan pelaksanaan Perintah Kawalan Pergerakan (PKP) yang dilanjutkan sehingga 4 Mac 2021 bagi Negeri Selangor, Johor, Pulau Pinang dan Wilayah Persekutuan Kuala Lumpur manakala pelaksanaan PKP Bersyarat (PKPB) bagi Negeri Kedah, Perak, Negeri Sembilan, Melaka, Pahang, Terengganu, Sabah, Wilayah Persekutuan Putrajaya dan Labuan serta pelaksanaan PKP Pemulihan (PKPP) di Negeri Perlis juga dalam tempoh yang sama.

- III. FINAS ingin memaklumkan bahawa pelaksanaan Program Padu Citra 2.0 adalah dalam pemakluman dan sokongan semua Ahli Perbadanan FINAS setelah dibentangkan mengenai perincian pelaksanaan bagi program tersebut dalam mesyuarat pada hari ini. FINAS juga akan mengadakan sesi taklimat dan libat urus bersama semua persatuan industri kreatif bagi menerangkan perincian mengenai program ini sebelum membuka semula keahlian persatuan yang dijangka akan dilaksanakan pada Mac 2021.

- IV. FINAS akan mengambil tindakan tegas termasuk tindakan undang-undang terhadap mana-mana pihak yang bertindak secara serkap jarang dalam membuat sebarang tuduhan, fitnah, kenyataan serta spekulasi yang mengelirukan mengenai FINAS terutamanya di platform media sosial yang boleh menjatuhkan kredibiliti industri kreatif negara.

Untuk maklumat lanjut dan sebarang pertanyaan, sila hubungi Unit Komunikasi Korporat FINAS di talian **03-7968 2182** atau e-mel di info@finas.my.

**Unit Komunikasi Korporat
Perbadanan Kemajuan Filem Nasional Malaysia (FINAS)
18 Februari 2021**